



UNIVERSITÄTS-
BIBLIOTHEK
PADERBORN

**ITINERARI[I] || ITALIAE || RERVMQ. ROMANARVM || LIBRI
TRES ||**

Schottus, Franciscus

Antverpiae, 1600

M. Ant. Mvreti Ad Beatiss. Virginem Dei Matrem, Qvae In Aede Lauretana
religiosissimè colitur.

[urn:nbn:de:hbz:466:1-70633](https://nbn-resolving.org/urn:nbn:de:hbz:466:1-70633)

M. ANT. MURETI

AD BEATISS. VIRGINEM
DEI MATREM, QUAE IN AEDĒ
Lauretana religiosissimè colitur.

Vnde mihi insolitus praecordia concutit horror,
Et perfusa metu trepidat, volut icla, Deo
mens?

Fallor an hoc facit ipse locus, stimulosq; pauenti
Subiicit, atque animum praesentia numinis urgeti
O calo dilecta domus, postesq; beati,
Quos ego iam pridem tota mihi mente cupitos,
Nunc primum, veteris voti reus, aduena viso:
Saluete, adspectiq; mihi feliciter este.

Vosne per aetheras Iudae à finibus oras
Aligerum, mandante Deo, vexere manipuli
Hic Virgo genitura Deum, genitricis ab aluo
Prodiit, & blandis mulsit vagitibus auras?
Hic quoque Virginei seruat a laude pudoris
Sancta salutifero tumuerunt viscera foetus?
Ille opifex cunctorum, illa aeterno unica proles
Aequa patri, ille homin i primaeva ab origine lapsus
Spem calo vitamq; ferens, hac lusit in aula
Parvulus, & sancta blanda obtulit oscula matri.

Quanam igitur regum sedes, qua templa per
orbem,

Huic se ausint conferre loco? ter & amplius omni
Ante alias felix Piceni littoris ora:

Cui Solymos spectare domi, cui munere diuūm
Fas calcare domi est pedibus vestigia Christi.
En ego iam supplex procumbā atque oscula figam
Parietibus sanctis, spargamq; hoc puluere crines.

Aspice me superis è sedibus, aspice, Virgo
Prostrā-

Prostratum, atque imo gemitus ex corde cientem,
 Et pectus tundentem, & fletibus ora rigantem:
 Neu, quamquam culpis adopertum turpibus, arce
 Adspectu me Diva tuo, si pectore toto
 Te veneror, si te, dubiis in rebus, ad unam
 Confugio, teq; auxiliū sanctissima posco.

Poenitet ex animo vitā me Diva prioris,
 Poenitet & meritas horret mens conscia poenas.
 Quod nisi tu casto pendentem ex ubere natum
 Concilias, placasq; mihi, quō tendere cursum,
 Quōne malis fessam tentabo advertere puppim?

At tu, namq; soles, placida dignare querelas
 Aure meas, & ades lapsis mitissima rebus.

Certe equidem tota pendentē ade tabellas
 Aspicio, qua te miseris praesto esse loquuntur.
 Hic te animo spectans, torrentem viscera febrē
 Depulit; ille hyadas tristes hadumq; cadentem
 Spectavit tutus, vertentibus aequora ventis,
 Et duce te patrias enavit saluus ad oras.
 Criminis ille reus falsi, sub iudice duro,
 Dum mortem exspectat tenebroso carcere clausus,
 Munere Diva tuo detecta fraude, renisit
 Vxorem, & natos, exoptatumq; parentem.

O ego nunc morbis multo gravioribus ager
 Naufragiumq; timans longè exitiosius illo,
 Et iam pridem animum peccati compede victus,
 Si possim morbis liber, unclisq; solutus,
 Fluctibus & ventis laceram subducere puppim?
 Quas tibi letus agam grates, dum vita manebit?
 Te, cum luce nova sparget sol aureus orbem,
 Te recinam, quoties abscondet opaca polum nox:
 Et tua praecipuo venerabor numina cultu.

Exstat & votum Virgini matri Lauretanæ,
 V. C. Lævini Torrentij Episc. Antverp.

C E L E.